



Iacobus honestis parentibus natus, & in omni genere uirtutum educatus fuit. Is cum prima literarum fundamenta in patria iecisset, sese hinc inde ad uarias academias contulit, & Iurisprudentię operam dedit. In ea scientia adeo profecit, ut omnium consensu Legum Doctor creatus fuerit. Accedebat & multarum linguarũ cognitio, atq; singularis eloquentia. Id cum Ferdinandus rex intellexisset, eum inter consiliarios adoptauit, atq; Oeniponti res magnas expedire iussit. Postea quoq; 1536 hunc Iacobum ad Heluetios legatũ misit, atq; ipsis persuasit, ne Gallo contra Cæsarem fratrem suppetias ferrent. Hęc & alia cum Iacobus magna

passim dexteritate expediret, Cæsari & regi gratissimus fuit, & inter eorũ consiliarios in magna existimatione uixit. Sleid. lib. 10.